

Joanniis Fanaticorum istorum blandiatur. Quibus pretiosus no-
ster Mentzerus Darmstadinus cum & mihi communicaret,
adscriptit & apposuit: Das heist sich des Fleisches enthalten,
wenn sich ein Bruder daran ärgert.

Quod ad subsecuta & nostra tempora attinet, vox *Ge-*
lassenheit sine omni erroris periculo & suspicione tam in con-
 cionibus, quam publicis scriptis & cantionibus forte quoque
 Ecclesiasticis adhibita est & in hunc usque diem adhibetur,
 nec facile quis extiterit, qui sibi eadem damnum quoddam
 unquam contractum fuisse dixerit. Ubi in transitu obser-
 vo, cantionem quandam, quæ in Cantionum Budisinen-
 sium libello extat: *JE SU frommer Menschen, Heerden, &c.*
 cujus usus apud nos frequens est, quoad verba vers. 3. *Laß*
mich auch nach dir zu rennen, wie du kamst zu mir gerannt,
 in *disputatione* quadam *Wittebergæ* olim *de Prudentia in Can-*
tionibus Ecclesiasticis adhibenda habita taxari & rejici, quod
 alii ulterius excutiant & sub incudem revocent. Quilibet
 ab usu vocum suspectarum & periculosarum quam maxime
 semper abstineat sibi que temperet, quanquam non omnes ta-
 les visæ ejusmodi vere sint. Multi enim præoccupati, ut
 ita loquar, dantur lectores & auditores, qui, cum in hujus
 vel illius verba jurarint, omnia vocabula ejusmodi minus
 convenientia sine ulteriori excusatione rident, verissima, ut,
 dixi, improbant, abolere & prorsus eliminare conantur.
 Idem quoque *ordini salutis & pœnitentiæ* accidit. Quot enim
 eorum sunt, qui istis vocabulis ad varios errores fenestram
 aperiri & tantum non omnem fere cœlestem veritatem oppri-
 mi existimant, innocentes scabiosis judiciis, variisque ob-
 trectionibus laceffere student, probatissimis interim Theo-
 logis, qui unquam Saxoniam & alias regiones nobilitarunt &
 usque huc nobilitant, iisdem utentibus & jacto hoc fundamen-
 to in hodiernum usque diem salutariter docentibus. Quos si